



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-49-1-3137-9/15

Datum: 29.01.2016.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 18.01.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

### **ODLUKU**

o izboru najpovoljnijeg ponuđača

#### **I**

Najpovoljnija ponuda za robe i radove u predmetu nabavke "Označavanje ulica i trgova nazivima i objekata brojevima na teritorij općine Tešanj", po cijeni od 58.907,60KM (slovima: pedesetosamhiljadadevetstotinasedam i 60/100 konvertibilnih maraka) bez PDV-a odnosno sa PDV-om 68.921,89KM (slovima: šesdesetosamhiljadadevetstotinadvadesetijedna i 89/100 konvertibilnih maraka) je ponuda ponuđača "EURO VEZ" d.o.o. Tešanj.

#### **II**

Ponuda je dostavljena u Otvorenom postupku koji je objavljen na Portalu javnih nabavki dana 15.12.2015.godine pod brojem:375-1-1-168-3-59/15, kriterij za dodjelu ugovora je najniža cijena.

#### **III**

Obavezuje se izabrani ponuđači da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu i finansijsku sposobnost na način i u formi koja je propisana tenderskom dokumentacijom.

#### **IV**

Ponuda "Sacom" d.o.o. Sarajevo odbacuju se kao nepotpune iz razloga što ponuđač uz ponudu nije dostavili traženu dokumentaciju.

#### **V**

Za realizaciju Odluke zadužuju se Služba za katastar, urbanizam i imovinsko-pravne poslove i Služba za finansije, privredu i inspeksijske poslove općine Tešanj.

#### **VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

#### **VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6.Zakona o javnim nabavkama.

### **Obrazloženje**

Postupak javne nabavke za robe i radove "Označavanje ulica i trgova nazivima i objekata brojevima na teritorij općine Tešanj", pokrenut je Odlukom o pokretanju postupka javne nabavke broj:02-49-1-

3137-2/15 od 09.12.2015.godine. Odabran je Otvoreni postupak, koji je objavljen na Portalu javnih nabavki dana 15.12.2015.godine pod brojem:375-1-1-168-3-59/15, procijenjena vrijednost javne nabavke bez PDV-a je cca. 64.100,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 2 ponude i to: Ponuda "Sacom" d.o.o. Sarajevo i Ponuda "EURO VEZ" d.o.o. Tešanj.

Komisija za javne nabavke imenovana rješenjem Općinskog Načelnika broj:02-49-1-3137-4/15 od 05.01.2016.godine izvršila je dana 06.01.2016.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je jedna ponuda formalno ispravna (sadržajno kompletne i ispravnog sadržaja) i da se kao takve može ocjenjivati u skladu sa zahtjevom za dostavu ponuda.

Komisija je izvršila rangiranje prihvatljive ponude prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila najpovoljnijeg ponuđača kako slijedi:

1. "EURO VEZ" d.o.o. Tešanj

Komisija je kod ocjene ponuda takođe utvrdila da 1 ponuda nije formalno ispravna, odnosno da ne sadrži dokumentaciju koja je tražena tenderskom dokumentacijom kako slijedi:

- kod ponude "Sacom" d.o.o. Sarajevo ponuđač je uz ponudu dostavio primjerak "Table sa nazivom ulice" i primjerak "Pločice sa brojem" (uzorci- obaveza po tački 2.4 Tenderske dokumentacije) koji neodgovaraju tehničkoj specifikaciji-karakteristikama datim sa detaljnim opsom u Obrascu za cijenu ponude a u skladu sa Projektnim zadatkom koji je sastavni dio tenderske dokumentacije. Ponuđač "Sacom" d.o.o. Sarajevo dostavio je "Tablu sa nazivom ulice" i primjerak "Pločice sa brojem" koje su urađene od reflektujuće folije a Projektnim zadatkom je predviđeno da se iste rade tehnikom sito – štampe, te iste nisu urađene u odgovarajućoj nijansi zelene boje, što u principu neodgovara uslovima postavljenim u tenderskoj dokumentaciji.

Ponuda "Sacom" d.o.o. Sarajevo je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačene, kako je navedeno u tački 4. dispozitiva ove odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-49-1-3137/15 od 18.01.2016.godine), da se u predmetu javne nabavke "Označavanje ulica i trgova nazivima i objekata brojevima na teritorij općine Tešanj", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za robe i radove određuje ponuda ponuđača "EURO VEZ" d.o.o. Tešanj, kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za robe i radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji ponuđač izabran je "EURO VEZ" d.o.o. Tešanj, sa cijenom od 58.907,60KM bez PDV-a odnosno sa PDV-om 68.921,89KM.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

**DOSTAVLJENO:**

1. Ponuđačima x2,
2. Služba za katastar, urbanizam i imovinsko-pravne poslove,
3. Služba za finansije, privredu i inspeksijske poslove općine Tešanj,
4. Predmet.

*Huskić*



*[Signature]*  
**OPĆINSKI NAČELNIK**

**mr.sc. Suad Huskić profesor**